


30. Ihz phaanz tahz yah

The poor man and his wife



Riang

30. Ihz phaanz tahz yah

The poor man and his wife

Ihz taemz: Nan Ta

Ihz caet: Cumz Lik Reu Yaang

Ihz taemz raang: Sai Rong

Mony: Reu Yaang

Laehz: 2 laehz

Seu ngihz: 2/2020

Riang

Myanmar



<http://creativecommons.org/licenses/by/4.0/>

You are free to make commercial use of this work. You may adapt and add to this work. You must keep the copyright and credits for authors, illustrators, etc.

Author: Nan Ta

Editor: Riang Language Committee

Illustrator: Sai Rong

Language: Riang


Edition: 2nd edition

Date: 2/2020

Meuz diz neungz, maang ihz tahz yah keu aarz. Kaar phaanz baaiz, nam maang naehz, yah hnhz daz, "Cih naehz lah mih nam lan dawmz saang kaanz boh klakz seu pit tawz kawngz mu tui a". "Nam ngarz haz? Tahz khunz haw khamz ngaz raenz pawiz, paangz ceu bunz ta hanz peur ya paz a?" Tahz hnhz daz "Cih seu naez lah mih daz?" Yah kaw mial daz "Ez leh tang klakz seu pit lan tawiz puatz ceu bunz a lah. Kaang kaw kaar nam maang, moh nahz tuhz tham ne.



Yah hnhz cao tahz daehz se se. Tahz hnhz kaw nam pae ngarz, lan leh saang kaanz boh klakz seu pit. A wa phraeoz seu ngihz, ceu bunz tungz sawmz.




Ihz sapz aez ta tahz ceu bunz hanz
peur ya pan, kaaiz sawmz a wa
hacz. Samz kiutz ihz phaanz an diz.
Nam treupz ihz, kaaiz kaw nam
maang leui. Tahz khun haw khamz
kaw daz, "Leh nahz kaaiz tawz ti
pehz praez mok an diz". Ihz kaw
lawng aez hnhz nahz.



Khunz haw khamz cao teu paez
daehz khiangz tawiz puatz ihz an
diz. Teu paez keu aarz kaw khiangz
tawiz. Awlz hnhz kut cu yah daehz
tuhz tham. Yah hnhz daz, "Khanz
mih nam cih ceun diz aaiz lak bawnz
suamz kaaiz khunz haw khamz ceun
ni".



Nih ceun diz, ihz an khiangz kaar diz kaw daz, "Aaiz ngaz weng lao tahz khun haw khamz seu naez?" Hawkz samz daz, "Weng lao aez tahz khun haw khamz, piamz thengz kaar." Hawkz samz daz, "Nam lo lao laai." Hawkz daz thaengz "Cih seu naez eu mih daz?" Thaengz hawkz daz "Eu mih nam bawnz rawhz ohz te lao".



Kaar kaw weng cu tah khun haw khamz. Tahz khun haw khamz kaw maanyz, "Paarz awlz naeh seu naez eu." Kaar kaw daz"Meuz seun teungz tang cawng tang keu tehz, raw seu keun caarz. Moh moh raw seu keu teungz, moh raw thaengz seu waaiz, moh moh wa bilz maat tuhz peu eumz, tahz khun haw khamz."

Khunz kaw daz, "Aw beuk naeh ceun
diz kaw, ohz rawhz seuz baaiz, sa
thuhz, teungz i phi sa teuk phrutz
lae hawkz, sa thuhz, aarz tihz teuk
phrutz, lae keu aarz, sa thuhz waiz
laehz, lae keu waiz.

